

Broj: 08-04-4-1917/24
Goražde, 18.12.2024. godine

Na osnovu odredbi međunarodnih ugovora o socijalnom osiguranju koje je Bosna i Hercegovina zaključila sa drugim državama ugovornicama, Pravilnika o uvjetima, načinu i postupku ostvarivanja zdravstvene zaštite za vrijeme privremenog boravka u inostranstvu („Službene novine FBiH“, broj: 31/02) i člana 19. Statuta Zavoda zdravstvenog osiguranja Bosansko-podrinjskog kantona Goražde („Službene novine BPK-a Goražde“, broj: 6/16), Upravni odbor Zavoda zdravstvenog osiguranja Bosansko-podrinjskog kantona Goražde, na trećoj (3) redovnoj sjednici održanoj dana 17.12.2024.godine, donosi

ODLUKU

o korištenju hitne zdravstvene zaštite studenata za vrijeme školovanja u inostranstvu, odnosno na razmjeni studenata

Član 1.

Ovom Odlukom uređuju se uslovi, način i postupak korištenja zdravstvene zaštite osiguranih osoba Zavoda zdravstvenog osiguranja Bosansko-podrinjskog kantona Goražde (u daljem tekstu: Zavod) koji se nalaze na redovnom studiju ili na razmjeni studenata u nekoj od država sa kojim Bosna i Hercegovina ima zaključene međunarodne sporazume o socijalnom osiguranju.

Član 2.

Osigurane osobe – studenti Zavoda iz člana 1. ove Odluke, koristit će usluge hitne zdravstvene zaštite na temelju izdatih dvojezičnih obrazaca u skladu sa odredbama važećih međunarodnih ugovora o socijalnom osiguranju.

Dvojezične obrasce iz stava 1. ovog člana izdaje Zavod, a na temelju pisanog zahtjeva sa priloženom potvrdom, prevedena i ovjerena od strane sudskog tumača, o redovnom studiranju i ocjenom zdravstvenog stanja. Studenti koji se nalaze na razmjeni, pored navedene dokumentacije trebaju dostaviti i dokaz da su upućeni na razmjenu u inostranstvu sa navedenim trajanjem razmjene.

Dvojezični obrazac izdaje se za učenike/studente na redovnom školovanju na period od jedne školske/akademske godine, a za učenike/studente koji se nalaze na razmjeni za vrijeme trajanja razmjene, odnosno najduže u trajanju jedne školske/akademske godine.

Član 3.

Ova Odluka stupa na snagu danom donošenja i objavit će se na službenoj web stranici Zavoda.

PREDSJEDNIK UPRAVNOG ODBORA

Enver Ratković

Dostavljeno:

- Sektoru za provođenje osiguranja, pravne i opšte poslove 2x
- a/a